

Պ. Գրիգոր Գոթթաւ

ՄԱՏԵՆԱՆՈՐ Հ. Մ. Ը. Մ. Ի. ԹԻ 1



ՊԱՐՏԱԻՈՐԻՉ ՀՐԱՅԱՆԳՆԵՐ

Հ. Մ. Ը. Մ. Ի

ՏԱՐԵԿԱՆ ԸՆԴՀ. ՈՂԻՄՊԻԱԿԱՆ ՄՐՅՈՒՄՆԵՐՈՒ



Կ. ՊՈԼԻՍ 1921 ՍԵՊՏԵՄԲԵՐ

ՏՊԱԳՐ. Կ. ՔԷՇԻՇԵԱՆ ՈՐԴԻ

ՊԱՐՏԱԻՈՐԻՉ ՀՐԱՅԱՆԳՆԵՐ

Հ. Մ. Ը. Մ. Ի

ՏԱՐԵԿԱՆ ԸՆԴՀ. ՈՂԻՄՊԻԱԿԱՆՆԵՐՈՒ ՄԱՍԻՆ



Հ. Մ. Ը. Մ. Ի ԵՒ ՍԿԱՈՒՏՆԵՐՈՒ

ԿԵԴՐՈՆԱՏԵՂԻՆ Է

26, ԽՕՐԱՍԱՆՔԵԱՆ ԽԱՆ, 26

ՍԻՐԷՆԻ-ՍՔԱՄԱԿՈՂ

ՀԵՆԱՃԱՅՆԻ ՔԻՆ ՍՔԻՒ. 2146

1. Ամէն մրցորդ, արկերիկ յանձնախումբին, իր արկերիկ պետին և դատաւորներուն բոլոր հրամաններուն, տառապէս պարտի հնազանդիլ:

2. Ամէն մրցորդ պարտի կանխաւ լաւ մը ուսումնասիրել բոլոր մրցումներուն օրէնքները, մասնաւորաբար այն խաղերունը, որոնց ինքը պիտի մասնակցի:

3. Ամէն մրցորդ արկերիկ պետէն կ'ստանայ վաւերագիր մը, որ պիտի ծառայէ իբր մտից և մասնակցութեան տոմս: Վերոյիշեալ վաւերագիրները ատենին արկերիկ յանձնախումբին կողմէ մասնաճիւղերու արկերիկ պետերուն պիտի ղրկուին:

4. Ամէն մրցորդ մրցումներու որոշեալ ժամանակէն կէս ժամ առաջ պարտի ներկայ գտնուիլ մարմնամարզիկներու յատկացեալ վայրը, բժշկական քննութենէ վերջ մասնակցութեան թիւերը ստանալու համար: Նոյնպէս բոլոր մասնաճիւղերու արկերիկ պետերը ժամանակին պարտին մարմնամարզիկներու յատկացեալ վայրը գտնուիլ:

5. Ամէն մրցորդ դաշտ ելլելէ առաջ պարտի մարմնամարզական պատշաճ հագուստներ կրել: Բոլորիկ վազելը արգիլուած է:

6. Մասնակցութեան թիւերը կը դրուին մարզիկներու կուրծքերուն վրայ, բացի հեծեալանիւի և վազքի մրցումներուն մասնակցողներէն: Այս վերջիները երբ տարբեր մրցումներու ևս մասնակցին պարտին իրենց մասնակցութեան թիւերնուն տեղը փոխել, այսինքն՝ կռնակէն կուրծքին վրայ պէտք է տեղափոխեն:

7. Որեւէ մրցման սկսուելէ 10 վայրկեան առաջ մասնակցողներուն բերանացի յայտարարութիւն մը տեղի պիտի ունենայ ամէնուն զատ զատ: Իսկ վերջնական կոչը՝ տեղի պիտի ունենայ սկառուտական փողով:

8. Փողին հնչումէն երկու վայրկեան վերջ եթէ վազելու մասնակցողները իրենց որոշեալ վայրը չհերկայանան, այսինքն երբ իրենց անուններու ցանկը կարդացուի և ներկայ չըլլան, մրցման մասնակցութենէ կը զրկուին: Մրցման մը յետաձգումը մի միայն բժիշկին խորհրդով կարելի է:

9. Եթէ մրցումը ցատկելու կամ նետելու վերաբերեալ խաղ մըն է, բացակայ եղող մրցորդ մը իր կարգը միայն կը կորսնցնէ: Այսինքն՝ երբ մրցորդ մը երկրորդ փորձի ատեն իր անունը կարդացուելէն առաջ կը ներկայանայ և իր ներկայութիւնը կը տեղեկացնէ նոյն խաղին վարիչ դատաւորին, երկրորդ փորձին կրնայ մասնակցիլ և ընկերներուն հետ իր մրցումը կը շարունակէ:

10. Բարձրութիւն ցատկելու մէջ մրցորդները իրենց ընտրած բարձրութենէն ըլկսելու ազատ են. սակայն եթէ այդ բարձրութենէն երեք անգամ չկրնան անցնիլ, խաղէն դուրս կ'ելլեն: Իսկ այն մրցորդը որ

իր ընկերներուն որոշ բարձրութենէ մը ցատկած միջոցին մրցավայրը կը ներկայանայ, պարտի անոնց բարձրութենէն ցատկել և եթէ երեք անգամ անյաջող ըլլայ, դուրս կ'ելլէ:

11. Եթէ մրցման ընթացքին որ և է անհասկացողութիւններ տեղի ունենան, ատենք կը կարգադրուին մրցորդին պատկանած մասնաճիւղի պետին և հաշտարար դատաւորին միջև:

12. Ամէն մրցորդ միայն երեք մասի կըրնայ մասնակցիլ:

13. Մրցորդ մը դաշտին վրայ իր հետ որ և է հետեւորդ պէտք չէ ունենայ:

14. Մրցման պահուն երբ որ և է մրցորդ այլեւս չուզեր փորձերը շարունակել, դաշտէն հեռանալէն առաջ պարտի իր մեկնումը տեղեկացնել նոյն խաղին վարիչ դատաւորին:

15. Նոյն պահուն որ և է մրցման չը մասնակցող մրցորդներ չեն կրնար դաշտին վրայ կենալ: Առաջին ազդարարութեան կրկնումէն անմիջապէս վերջ դաշտէն բոլորովին պիտի հեռացուին:


16. Բացի ցատկելու ձողերէն, որ և է մրցորդ չի կրնար իր սեփական մարմնամարդական գործիքը գործածել:

17. Դաշտէն հեռացուիլը յարմար դատւած որ և է մարզիկի համար՝ նախ հաշտարար դատաւորին հաւանութիւնը պէտք է առնել:

18. Բացի օրուան դատաւորներէն և մըրցորդներէն, լուսանկարիչներու, հետաքրքիրներու դաշտ մտնելը արգելուած է: Այս օրէնքին տուապէս գործադրման պաշտօն յանձնուած է շրջուն սկառուտ պահակախումբի-

բու, որոնց հրամաններուն պարտին հնազանդիլ նոյն իսկ կարգադիր դատաւորները: Սկառտներու հանդէպ ըլլալիք որ և է բողոք կ'ըլլայ ուղղակի պահակապետին: Այլ լէթիք յանձնախումբը միայն դաշտէն ներս մտնելու արտօնութիւնը կրնայ տալ մասնաւոր տունակով մը:

19. Ամէն անոնք որոնք օրուան սկառտ պահակներուն ազդարարութիւններուն չեն հնուգանդիր, սկառտ պետին հաւանութեամբը նոյն իսկ մրցման շրջանակէն բոլորովին կը հեռացուին:



ՄԱՐԶԱԿԱՆ ՕՐԵՆՔՆԵՐ

ՈՒՎ ԱՌԱՎ ԲԱՐՁՐՈՒԹԻՒՆ ՅԱՏԿԵԼ

1. Մրցումը կ'սկսի 1,35 մեթր բարձրութենէն և մինչեւ 1,50 մեթր 5 ական սանթի մեթր կը բարձրացուի և յետոյ՝ 2 ական սանթի մեթր: Իւրաքանչիւր բարձրութեան համար միայն երեք փորձ թոյլատրելի է:

2. Եթէ մրցորդ մը ցատկելու համար ստոււմ մը կ'ընէ, սակայն ձողին վրայէն չանցնիր, փորձ մը կը նկատուի: Իսկ առանց ստոււմ՝ ընելու եթէ ձողին տակէն կ'անցնի, երեք անգամ կրկնուելու պարագային փորձ մը կը նկատուին:

3. Որ և է բարձրութեան չափը կ'որոշուի ձողին ամենացած մասին վերի եզերքին և ձողին միջեւ եղած ուղղահայեաց հեռաւորութեամբ:

4. Մրցորդները երբ իրենց կարգը գայ, ձողին վրայ իրենց ուղած նշանները կրնան դնել, սակայն իւրաքանչիւր ստոււմէն անմիջապէս վերջը զանոնք պէտք է ջնջեն կամ վերցնեն:

5. Եթէ որ և է բարձրութենէ մը բոլոր մրցորդները չկրնան անցնիլ, առաջնութեան կարգը որոշելու համար չորրորդ յաւելուածական պատահութիւն մը կը տրուի: Եթէ այդ բարձրութենէն չկրնան ցատկել, առաջնութեան կարգը որոշելու համար հարկ է բարձրութիւնը նուազեցնել, իսկ այդ պարագային ալ եթէ որոշ արդիւնք մը ձեռք չը բերուի, այդ կարգը կ'որոշուի բաղդով:

ԿԵՅԱԾ ԲԱՐՉՐՈՒԹԻՒՆ ՅԱՏԿԵԼ

1. Մրցումը կ'սկսի 1.10 մէթր բարձրութեան և մինչև 1.25 մէթր 5 ական, յետոյ 2 ական սանթիմէթր կը բարձրացուին:

(Տեսնել նաև ոյժ առած քստճարարիսն ցատկելու թիւ 3 և 5. հատուածները):

2. Անմիջապէս որ մրցորդը կը պատրաստուի ցատկել, հետևեալ շարժումները փորձ մը կը նկատուին:

I) Եթէ աջ ոտքը երկու անգամ հողէն բարձրացնէ:

II) Եթէ ձախ ոտքը երկու անգամ հողէն բարձրացնէ:

III) Եթէ իւրաքանչիւր ոտքը յաջորդաբար մէկ անգամ բարձրացնէ:

IV) Եթէ աջ ոտքը երկու անգամ հողին վրայ սահեցնէ:

V) Եթէ ձախ ոտքը երկու անգամ հողին վրայ սահեցնէ:

VI) Եթէ իւրաքանչիւր ոտքը հողին վրայ յաջորդաբար մէկ անգամ սահեցնէ:

VII) Եթէ աջ ոտքը մէկ անգամ բարձրացնէ և ձախ ոտքը մէկ անգամ սահեցնէ:

VIII) Եթէ ձախ ոտքը մէկ անգամ բարձրացնէ և աջ ոտքը մէկ անգամ սահեցնէ:

IX) Եթէ աջ ոտքը մէկ անգամ բարձրացնէ և մէկ անգամ սահեցնէ:

X) Եթէ ձախ ոտքը մէկ անգամ բարձրացնէ և սահեցնէ:

ՈՅԺ ԱՌԱՆՆ ԵՐԿԱՅՆՈՒԹԻՒՆ ՅԱՏԿԵԼ

1. Ամէն մրցորդ երեք ոտու մի իրաւունք ունի: Երեք յաւելուածական պատեհութիւններ կը տրուին լաւագոյն երեք մըր-

ցորդներուն և այս վեց ոտու միներուն արդիւնքէն առաջնութեան կարգը կ'որոշուի:

2. Եթէ որեւէ մրցորդ նշանատախտակէն դուրս հողին դպչի իր մարմնոյն որեւէ մասովը, ըլլայ դէպի առաջ կամ թէ նշանատախտակին քովի կողմերը, այդ ոտու մը չհաշուուիր, սակայն փորձ մը կը նկատուի:

3. Ոտման հեռաւորութիւնը կը չափուի ցատկելու նշանատախտակին դուրսի եզերքէն ցատկած տեղուոյն ամենաետևի հեռքին ուղղահայեայ երկայնութեամբը:

4. Եթէ 6 ոտու միներէն վերջ երկու կամ աւելի մրցորդներ հաւասար ըլլան, մէկ պատեհութիւն մը ևս կը տրուի:

5. Ամէն մրցորդ բուն փորձերուն սկսուելէն անմիջապէս առաջ նախնական փորձ մը ընելու արտօնուած է, միայն թէ չը չափուիր:

6. Մրցորդ մը հողին վրայ կրնայ նշան դնել, սակայն իւրաքանչիւր փորձէն վերջ պարտաւոր է զայն վերցնել կամ ջնջել:

ԿԵՅԱԾ ԵՐԿԱՅՆՈՒԹԻՒՆ ՅԱՏԿԵԼ

Տեսնել ոյժ առած բարձրութիւն ցատկելու թիւ 2 հատուածին բոլոր օրէնքները: Իսկ մրցորդներու կարգը որոշելու համար տեսնել նոյն խաղին թիւ 3 և 5 յօդուածները:

ԵՐԵՐ ՔԱՅԼ ՅԱՏԿԵԼ

1. Միայն յաջորդական սարքերով եղած ոտու միները թոյլատրելի են:

(Տեսնել նաև ոյժ առած երկայնութիւն ցատկելու թիւ 1, 2, 3, 4, 5 և 6 յօդուածները):

ՉՈՂՈՎ ԲԱՐՉՐՈՒԹԻՒՆ ՅԱՏԿԵԼ

1. Մրցումը կ'սկսի 2,20 մէթր բարձրութենէն և մինչև 2,50 մէթր 10 ական, իսկ անկէ վերջ 5 ական սանդղմէթր կը բարձրացուի:

(Տեսնել նաև ոյժ առած բարձրութիւն ցտկելու թիւ 2, 3 4 և 5 յօդուածները):

2. Որևէ մրցորդ իր սեփական եղէգեայ ձողը կրնայ գործածել, սակայն ոչ մէկ պարագայի տակ, ըլլայ ցատկած ստեղծ և կամ թէ օդին մէջ, վարի ձեռքը վերինէն վեր չի կրնար փոխադրել նմանապէս՝ վերի ձեռքը ձողն ի վեր չի կրնար սահեցնել:

ՍԿԱՒԱՌԱԿ ՆԵՏԵԼ

1. 90 աստիճանոց հատուածէ մը դուրս նետուածները չեն հաշուուիր:

2. Մրցումներէն առաջ շրջանակին մէջէն ոչ մէկ նախափորձ թոյլատրելի չէ:

3. Նետուածք մը ապօրինի կը նկատուի երբ մրցորդը իր մարմնոյն որևէ մասովը շրջանակին առջեւի կէսէն դուրս հողին կը դպի կամ թէ իր նետուածքը նշանակուելէն առաջ դուրս կը ցատկէ: Նաև, եթէ նետուած միջոցին կամ անկէ առաջ շրջանակին մետաղեայ եզերքին վրայ կոխէ, կամ թէ նետուելէն վերջ, մրցորդը իր մասովը կամ ձեռքովը շրջանակին առջևի մետաղեայ մասին կամ հողին դպի: Մրցորդը իր հաւասարակչութիւնը գտնելէն անմիջապէս վերջ շրջանակին ետևի կողմէն դուրս կ'ելլէ:

4. Իւրաքանչիւր մրցորդի ետեւ փորձ քոյլաւսեելի է, իսկ երեք լաւագոյններուն երեք յաւելուածական պատեհութիւններ կը տրուին, որմէ վերջ աստջնութեան կարգը կ'որոշուի:

ԵՐԿԱԹ ՆԵՏԵԼ

Տեսնել սկաւառակ ցետելու օրէնքները:

ՆԻՉԱԿ ՆԵՏԵԼ

1. Նիզակ կը նետուի 10 սանթիմէթր խորութիւն ունեցող նշանատախտակէ մը, որ հաստատապէս հողին մէջ դամուած պէտք է ըլլայ:

2. Նետուածք մը ապօրինի է երբ մրցորդը իր մարմնոյն որ և է մասովը նշանատախտակէն դուրս հողին դպի իր նետուածքը նշանակուելէն առաջ:

3. Նետուածք մը կանոնաւոր փորձ կը նկատուի, սակայն չի չափուիր եթէ նիզակը նախ երչաթեայ ծայրին վրայ չիցնայ, այսինքն՝ եթէ նախ ետևի ծայրը հողին դպի:

4. Նետուածք մը կը չափուի նիզակին ինկած տեղին և նշանատախտակին կամ անոր ուղղութեան միջև եղած ուղղահայեայ հեռւորութիւնովը:

(Տեսնել նաև Սկաւառակ նետելու թիւ 4 հատուածը:)

ՎԱԶՅԵՐ

1. Ճամբայ հանելու համար հետեւեալ հրամանը պիտի տրուի: Գծերն ուղ վրայ: Պատրաստ և ատրճանակի պայթում:

2. Ատրճանակին պայթումէն վերջը ճամբայ հանողը եթէ տեսնէ որ մէկ կամ աւելի մրցորդներ կանուխ ճամբայ ելան՝ և կամ թէ մրցորդ մը նպատակաւոր կերպով իր ընկերով արգելք կը հանդիսանայ, ատրճանակի կրկին հարուածով մը վազողները իրենց տեղերը կը վերադարձնէ, մինչև որ օրէնքին սահմաններուն մէջ ճամբայ ելլեն:

3. 100, 200, 400, 800 մեթր վազքի մէջ եթէ որ և է արդարացի բողոք հաստատուի, մրցումը կը կրկնուի, յանցաւոր մրցորդը և կամ մրցորդները չեն մասնակցիր :

4. 1500, 3000 մէթր վազքի մէջ ապօրինութիւններ գործողները դատաւորներու որոշումով և հաշտարար դատաւորին հաւանութեամբ կամ անմիջապէս մրցումէն դուրս կը հանուին և կամ թէ հակառակ պարագային առաջնութեան կարգին մէջ չեն մտցուիր :

5. Մրցորդ մը իր ընկերոջմէն մէկ մէթր հեռուէն և մէկ մէթր առջևէն կրնայ անցնիլ : Հակառակ պարագային դիտումնաւոր արգելք մը կը նկատուի և ըստ այնմ կը պատժուի :

(Կնիք կեդրոնի վարչութեան)

Ի դիմաց Հ.Մ.Բ.Մ. Կեդրոնի Աթլետիկ
Մարզանքներու Յանձնախումբի
ՎԱՀՐԱՍ Ս. ՓԱՓԱԶԵԱՆ





ՀՐԱՏԱՐԱԿՈՒԵՑԱԻ

ՅՈՒԹՊՈՆԻ ԽԱՂԸ

ԳԻՐՔԸ

Գրեց՝ ՎԱՐԱԳ ՓՈՂԱՐԵԱՆ

Սաղը բացատրուած է բազմաթիւ նկար-
ներով և պարզ սճով, միեւնոյն աստին բա-
րոյախօսական գիրք մըն է ան :



ԳԻՆ 50 ՂՐՇ.

Կեդրոնատեղի Հ. Մ. Ը. Մ. Կեդրոնի
գրասենեակ Կ. Պոլիս, Սիրքէճի, Սորասան-
ճեան խան, թիւ 26 :